



THE DAYBREAK.

"Wankantanhan Anpao kin hiyounhipi"—Luke 1: 78

WOKAJUJU 50 CENTS

Santee, Nebr., February-March, 1931

VOLUME XLII, NUMBER 2

NIOBRARA DEANERY

Receipts to February 28, 1931

	N. C. W.		N. C. F.	
	Quota	Paid	Quota	Paid
Cheyenne ...	650.00	12.49	675.00	14.20
Flandreau ...	50.00	.31	50.00	
Crow Creek ...	450.00		250.00	
Lower Brule ...	250.00		200.00	
Pine Ridge ...	800.00		600.00	
Corn Creek ...	450.00	19.22	200.00	
Rosebud ...	1050.00	35.06	800.00	40.92
Santee ...	450.00		450.00	
Sisseton ...	450.00		250.00	
Standing				
Rock ...	750.00	11.00	550.00	
Yankton ...	700.00		500.00	
St. Mary's				
School	15.00	15.00	15.00	15.00
St. Elizabeth				
School ...	15.00		15.00	
Hare School	15.00		15.00	
Crow Creek				
Dormitory ...	10.00		10.00	
Flandreau				
Ind. School	15.00	.79	15.00	
Pierre Ind.				
School ...	15.00	.17	15.00	
Rapid City				
Ind. School	15.00	1.24	15.00	
TOTALS	6150.00	95.28	4625.00	70.12

Respectfully submitted, W. D. Swain
Executive Secretary

IYAKAPTAPI ETANHAN.

Peever, S. D. Ina Beatrice Finley, Grazier, Toni kin. Atkuku kin Samnel Finley hee, qa Hunku kin Lonisa Finley hee cunwinkupi tehidapi kin he Omaka wan en Baptisma qupi kin February 15, 1910 etu, qa he Rev. Samuel Hopkins, kiciyustan.

Qa wikoške de Okodakiciye wakan wanjen ope cin he. Iyakaptapi Okodakiciye, Ascension Presbyterian Church hee.

Anpetu wan en okodakiciye ope cin he June 27, 1925 hecen okodakiciye wakan ope cin ebantanhan wanna waniyetu zaptan sanpa wi šakpe sanpa anpetu wi keemna nonpa, henakeca. Qa anpetu wan en hinhnaton kin he April 2, 1930 en Steven Grazier, qa Beatrice Finley, Wakankiciyuzapi, Rev. A. F. Johnson, kiciyuswicakiya.

Ina Beatrice Grazier, te cin February 20, 1931 hecen omaka owasin ni un kin ataya waniyetu 21. Wowapi Wakan oehde wanj i iyokipi kin Matt. 5: kin hee, anpetu de wotakuye tawa etanhan elpeya iwicayaye cin dena eepi. Atkuku qa hukku icuwetku qa tankaku kunšitku qa hinhnaku qa deksi wicaye cin.

Wanna te kta heban deksitku Thomas Blue Cloud, wocekiye ekiciya qa wowihanbde wašte qu kta icekiya unkan wikoška de wowihanbde wowanyanke wanj wan- yaka. Canku wan cistinna ska owotanna he ohna aya he miš eya ohna bde kta ee, eya.

Hehan wokakiye unyuhapi kin en tona o- unyakiyapi hankiktapi qa woyute on hudha ya- hipi kin hena qa wocekiye on onnyakiyapi qa wokicanpte unyauapi hena on wopida wan tanka unkeniciyapi.

Iyakaptapi tipi wakan en owicahie kin hen tunkašitku wanke cin hen February 23, 1931 2.00 p.m. hehan hapi, Rev. Homer Redlightning, wicahapi kin kiciyu- tan.—Steven J. Grazier

CHEYENNE RIVER MISSION.

S. Luke's Winyan Omniciye oitancanpi: 1. Hannah Little Crow; 2. Mary Brave Alone; 3. Susie Straight Head; 4. Rebecca Iron Bird; 5. Mary Talks.

S. Luke's Y. P. S. L.: 1. Chauncey Man- dan; 2. Grace Red Bull; 3. Minnie Corn; 4. Amy Little Hank; 5. Ray Straight Head, Sarah Little Hawk.

Baptisms: Melvin Blacksmith, Omar Iron Bird, Williamette Bear, Esther Makes Trouble.

S. Thomas: Wicate: Mrs. Useful Heart, Mrs. Lucy Useful Heart, Minnie Useful Heart. Baptism: Merna Ruby Blue Coat. Emmanuel; Wicate: Grace Virginia Garraine. Baptism: John Ray Makes Life.

Cheyenne Agency, S. D.—Anpao kin el okan uke cin el taku wanj epa wacin, e on le ucici- ya.

Lakota oyate egna wana waniyetu ota wakan cekiye el litaunnipi eciyatan sanpa taku ota unkitokam wanka icinpica kin on sanpa takuku hekta unkicupi na ilagunyanpi na on taku unkokihipi na unkiwaštepi qon sanpa hena yuha unyanpi kta ca unblehecap i kta wašte. Hekta Wowapi Wakan woyake eciya tanhan Itancan unkitawapi tonpi qon ohakam tuwe yanni tehantan el hipi qon on woyakapi awacinpica. Wiyohiyanpatanhan wicaša ksa- papi, Magi, ewicakeyapi kin hena Persia oyate el tona wošnakagapi wicaša ksapapi na wicaša wiyukeanpi hea hecel cajewicayatapi ece. Wi- caša kin hena wicohan owotanla wowiyukean wankantuya, wicanhipi woonspe na pejihuta wicohan waunspeiciciyapi hecapi unkokiya- pi. Wicaša ksa- papi kin hena Wakantanka cin na ecel yuecetupi qon woanagoptan on Woniya Wakan yus awicaye na Itancan unkitawapi tuktel wanka qon el awicahi. Unkan taku tokaheya econpi qon oholapina takuku kupi. Wakantanka iye Cinhintku kin wicaša ksa- papi kin slolyewicakiya qon towaonšila taku tanin ikeewicaša egna akiyecelya wowanikiya wica- kipazopi tke cin, na talicašunkala optaya wan- jila kta waawanka wanjila ihukuya Jesus Christ hecel unpi kta wana iyehantu glutanin. Leceel slolunyanpi na wicaunlapi kin unni- pi el Christian wicaka naunji- pi na waynecetu wicaka on unkičicagapi kta ca sanpa wocekiye el waliuntakapi wašte. Yewicašipi oyanka owasin el hena Okodakiciye Wakan etanhan oyanke hee, heca. Tukte el wicaša wakan na niš wacekiye wicaša unpi qon hena Christ Wotanin Wašte tawa oyagwicapi hecapi. Yewicašipi tokel sanpa icahyapi on tona Okodakiciye Wakan opapi kin otoiyo- hila tokel okihipi kin Wotanin Wašte sam icagin kta e lila wawokiyapi kta iyececa.

He eciyatanhan Christian wicaka wan taku icu kta iyececa qon wicaša ksa- papi on wo- yakapi unkiksuyapi wašte, Woanagoptan, Woohola, Wawicapi, taku kin le on tokel Jesus woope wicaqu unkiksuyapi iyotan wašte. Matt. 10: 8. Iyunwin cola iyacupi, iyunwin cola wicaqu po, eya, hekta qon hecel unqupi on tanka waonkihipi slolunyanpi, eša le omaka iyotan sanpa unkiyutapi wašte kta, tuwe on Lakota oyate egna wakan cekiye el tanka waokihunyanpi qon Rev. Dr. Ashlev teunhila hee, hecel slolunyanpi. Eša lehantu tancan zani šni eciyatanhan takuku aoptetn, eša cante oyuze tawa on woiwahoye wašte- hiyohiunyanpi on sanpa wocekiye el unki- ksuyapi wašte, na on taku cinunkiyapi sanpa ilag unyanpi nin ecinpica —J. E. M.

Your Good Friday Offering Helps

The Jerusalem and East Mission under Bishop MacInnes;

The Armenian Seminary of St. James, in which Canon Bridgemau teaches;

The Assyrian Christians in Iraq among whom the Rev. John Panfil ministers.

An Increased Offering

will enable the National Council to meet requests from Orthodox Churches for much needed additional American Educational Chaplains in the Near East.

CHEYENNE

St. Luke's etanhan lehanl tona Anpao lawapi onaunyaonpi kta. Tiwahe 28 na hena Wotapi Wakan icupi hecapi. Womans' Auxiliary Service League, na B.C.U. unpi na hena le omaka on oitancan kicicagapi. Tokeya Womans' Auxillary Mrs. Hannah Little Crow; 2 Mrs. Mary Brave Alone Ištagonga; 3 Mrs. Susie Straight Head; 4 Rebecca Iron Bird; 5 Agnes Marrowbone; Mrs. Helen Marrowbone; Mrs. Mary Talks; Mrs. Amy Little Hawk.

Service League: 1 Chauncey Mandan; 2. Grace Red Bull; 3 4. Ramona Red Bird; 5. Amy Marrow Bone, Minnie Corn. Sarah Little Hawk, Roy Straight Head.

B. C. U. 1. Eugene Mandan; 2. Edward Clown; 3. William Red Bull; 4. Thomas Brave Alone; 5. George Red Bird, Jake Curley, Fremont Combing, Salona Iron Bird, Eugene Slides Off, James Iron Bird, Robert Straight Head, Whittey Little Hawk, David Lodge.

Toked On Wotanin Wašte kin En Kiya Womnaye Econqonpi He?

Token on Jesus huukake tawa qa ikiyena ti tawa kin isam iyeya Wotanin Wašte kin aya he?

Token on St. Peter is Hebrew oyate kin hebanyena Wotanin Wašte aye cin inajin šni he? St. Paul is toked on Asia oyate kin he- han yena wotanin wašte aye cin inajin šni he?

Token on Sahdaša kin Isantanka makoce en bishop yuke kta iyowinwicakiya he?

Toked on wiyolipeyata woawanyake qa wiyohiyanpata woawanyanke kin wiyoli- peyata okitahedan kin is eya icage kta e on woiyowin- kiye qupi wicapi he?

Wotanin Wašte oaye kin de eceena ohna Christ waškuycata tawa kin sanpa wicaunqupi unkokihipi. Qa heon Itancan unkitawapi kin tiyata aihdušotapi kte cin hebanyena okinni cin kte šni, tka isam iyeya cin kin he woi- cake.

ANPAO KIN

(THE DAYBREAK)

SANTEE, - - - NEBR.

Millard M. Fowler, - - - - - Publisher

ANPAO—THE DAYBREAK, is published in the interest of the Protestant Episcopal Church among the Sioux Indians of the Northwest.

The subscription price is 50 cents per year, two years one dollar.

Executive and Editorial Office, Mission, S. D.
REV. PAUL H. BARBOUR, Mission, S. D.
REV. P. C. BRUGIER, Martin, S. D.
REV. H. H. WHIPPLE, Greenwood, S. D. } Editors.

ENTERED at the Post Office at Santee, Neb., as second class matter, and accepted for mailing at special rate of postage provided for in Section 1103 Act of October 3, 1917, authorized May 17, 1920.

The months in which the Anpao is issued are; Jan-Feb., Mar., Apr.-May, June, July-Aug., Sept., Oct.-Nov., Dec.

Wi akenonpa (one year eca) kašpapi zaptan kajujupi kta.

Wi wickemna nonpa sanpa topa (two years) eca mazaska wanji kajujupi kta.

Money Order, Mission, S. D. on opetonpi qaiš wowapi askape Rev. Paul H. Barbour yekiyapi kta.

BISHOP TOIE KIN.

Dakota en Mitaoyatepi Kin:

Lent econhan micante eciyatanhan woiwahoye uciyapi wacin qa taku ociciyaka-pi wacin kin he. Woepe qa wocekiye mitawa kin eciyatanhan taku wašte Lent nicahipi kte cin he woyawašte. Ecee ota kte cin he wake.

Tuwe owasin taku wašte hiyowicahi kte cin den tu, tka econhan en wanuditakapi qa wacin nntankapi qa tanyan econqonpi ehan-tanhanš.

Wocekiye nina unkeyapi kte cin he wanji, qa anpetu iyohi Wakantanka unkiyoepayapi unkitonipi, en un kin he sdodunkiyapi kta iyececa qa wowašake qa wookiye ko sanpa nnein-pi kta iyececa. Sanpa waeconqonpi qa sanpa wawounkiyapi kta iyececa. Qa unkiyoepaya unpi kin hena woyawašte wicaunqupi kta qa wokiconze en taku econ unšipi kin en ookiye wašte heneapi kta.

Ika iyotan wacantkiyapi kin he nina un-cinpi kte cin hee iyowicahiya qa yuonihanyan econqonpi kinhan, he wiconi iyecedy a nnnipi heca.

Oyanke otoiyohi en ciipi mitawacin tka qa akilhaniciyapi omaka wakan kin iheyatanhan taku tona en wowicake kin hena ociciyaka-pi kta wacin tka. Hececa ešta miye en ewa-cincinpi kta qa taku ecanonpi kin en niyawaš-tepi kta on wocekiye eciyapi kta. Qa Bish-op nitawapi kin ohinni yeksnyapi nin ecam-mi.

Dehan owicohan tawa kin ota, qa oicima-ni hanskaska yuha kin hena on. Qa Wakan-tanka woyawašte tawa kin unkiyepi owasin owijica tawa kin iyohi unyanpi uin. Bishop teeihindapi he miye, Hugh L. Burleson.—

CAN HUHDEPI

Dehan wanna canmdaska qa can aon-papi nina hea ota šniqa nakun tehika oopeton eciyatan. Heon oyate kin taktetu kašta can ojupi qaiš hudepi kta nina iwohdaka-pi. Hecon on wicašta, winyan qaiš šiceca hena mdoketu iyohi can hudepi kta iyececa. Dehantu kin tuktektan wanna can kin kek topawinge od-ota hudepi on wanna contan-ka kašapi qa ehake waniyetu tona cetu he-han nina tehi yawapi kte. Wicašta qeya can on ojupi kta wikicanye wan kašapi qa he wiyaju kin taku su eikeistinna on ojupi iyececa qa oape wanji en can eistinna kin heca kektopawinge wanji sanpa opawinge zaptan oju okihi. Tka wiyaju de uuhapi šni šta token unkokihipi he ohna can ota huunhdepi kte, tokeh hunwinyun unškanpi šta. heon Dakota oyate kin ito owasin hin de econpi qa ake econpi kta awauncinpi kta iyececu.—Iapi Oaye etanhan.

SISSETON WOTANIN KIN

Omaka 1881 en July wi ihanke ikiyedan heehan Makaohdaptapi Oyanke kin deciya Bishop Hare, Rev. Dr. E. Ashley, kici hipi, qa Skain Okodakiciye Wakan kin de makoe kin ehna icage kta oiyaye kin he yuicagapi. Oyate kin deetu kta cinpi on omaka 1868 qon heehan de on omnicieye wan yuhapi. Hetanhan u, qa October wi, omaka 1881 hehan St. Mary's Tipi Wakan kin he qa Wicašta Wakan oti kte cin hena oza kagapi. Sanpa omaka 1882 en Easter Anpetu ohna tokaheya St. Mary's Tipi Wakar kin ed owacekiye yamni econpi qa hena Dr. Ashley, iye econ. Dena unkiksu-yapi qa wopida wan tanka kin deon omaka wi-ckemna zaptan wokiksuye ohnayan Dakota Oyate yaunpi kin unkiyepi de omaka kin deciya Con-vocation Omnicieye kin he econqonpi kta awa-uncinpi qa unnicopi qon hee. Toked wowiyu-škin woiyowaja kin de unhiyahdepi kin iyecon iyoniwajapi kin heon, tokin tona Easter Anpe-tu ohna Tipi Wakan Oyanke nitawapi etanhan Yewicašipi nicahigapi kin hena yahipi nin unkeci. De omaka kin nina ecanan Omnicie-ye kte cin heon de waktaciya wacin kin hee. Anpetu en Convocation mnicieye kta cin dena ee; June 28, 29, qa 30.

Oomani eciyatanhan tehantu kin hecetu, tuka canku tanka nom waštešte ohna yaupi kte cin he Meridian Ocanu wayawapi 81 kin he, qa nuna hdakinyan wanke cin he Yellow-stone Trail eciyapi, wayawapi 12 kin hee. Denas Waubay otowe kin iwiyo hinyanpata makiyutapi 8 (Eight miles east of Waubay) eciyepi, qa hetanhan makiyutapi 18 waziyata yaipi qa 3½ wiyohinyanpatakiya dapi kinhan tukten Omnicieye yuhapi kte cin ed yaipi kta. — Niyepi wanji miye, Cyril C. Rouillard.

ST. MARY'S OWAYAWA

Owayawa etanhan wicinyena yamni woonspewankantu owayawa otowe ed he kin ekta dowanpi (recital) econpi ed opapi, Feb. 17, 1931 heehan qa opapi hena Irene Whipple qa Mildred House candowankiyapi qa Hazel Edwards is dowan. (Recital) opapi kin wi-ckema nom sam nom opapi qon etanhan Haz-el Edwards isnana akihdedakiyapi qa St. Mary's wicinyena owasin iyuškinpi.

St. Mary's akilhaniciyapi han ska kin he wotapi wakan on iyayakiyapi qa he owayawa wocekiye tipi ed Ash Wednesday heehan ma-zaskanskan šakpe sam hanke hehan econpi. Akilhaniciyapi econhan owankayujajapi Bia-yetu iyohi taku unkašegapi kta qa Easter iyohakam anpetu tokaheya hehan wiyopecin-kiyapi kte cekiya wacipi qa oškote econqonpi-ca.

St. Mary's waniyetn cokaya waškate an-petu wan Jan. 30, 1931 heehan yuhapi Wa-yawati kin owasin canwopaohonzi on yuwašte pi qa hena ed asonpi acahiyapi, wopapahiyapi, wozuhakinyan qa wonmduska ce wiyapeyapi qa oma canwopohonzi ed wowitzie owicaki-yakapi, qa tuwe ohonwicaštašni iteowapi tipi qa wowanakewašte tipi yuhapi wica winyan iyececi šiya yuwicawaštepi. Iteisonye, wa-seša qa napsukaza šake pawiyakpapi unpi. Wakantipi ekta woynšinyan tipi wan yuhapi wicinyena onge wocon yamni oškate wan yuhapi. Caje kin ("The Fatal Quest") "Wiknipi Ontapi." Opapi kin hena deepi. Wicaštayatapi kin - Irene Whipple Wicaštayatapi tawieu kin - Hazel Mitchell Winyan Itancan kin - Evelyn Wright Owanyagwašte itancan tanka kin - Charlotte Jordan

Wapazo yutokeca kin he - Marie Moose Ozanpi kin - Alice Kemery, Gladys Thompson Itancanti wacipi kin hena

Annabelle Big Eagle
Josephine Bourisseaux
Ethel Edwards
Mollie Brugier
Minerva Holmes
Ellen La Pointe
Carolyne House
Sarah Swallow

He ayuštampi hehan Anna Hill wacipi nom econ. He iyohakam wacipi.

St. Mary's St. Valentine taanpetu Feb. 14, 1931 heehan wacipi wan kašapi qa wico-ta ed hipi. St. Mary's Fellowship mazaska kamnapi kta on he kašapi.—Owa kin, May Whipple.

WICASTA WAKAN WICAKAGAPI

February 20, 1931 he ehan Ihanktonwan wocekiye oyanke en Maga Ska oyanke St. Philip the Deacon tipi wakan ohna Bishop Roberts Mr. Thomas Heminger catechist kin he Deacon kaša.

Archdeacon E. Ashley, wowahokonkiye kin econ, qa wicoie kin dena etanhan onšpa-špa on wahokonwicakiye. Wicašta wakan wi-cakagapi wocon kin en owa kpankpanna, ito-kab oyakapi, qa wowapi uma etanhan.

Wahokonwicakiyapi kin hee kta, qa he en tona Diakon wicohan en opewicakiyapi kta on hipi kin, token econpi kta iyececa qa wi-colian tona tawapi kta yatanin kta; Christ Taokodakiciye kin en obe kin de token ynhapi kta iyececa qa nakun oyate kin wicohan tawa-pi kin en token tewicahindapi kta iyececa. Itokab oyakapi etanhan. Christ Okodakiciye tawa kin en—Bishop, Priest, qa Diakon, he-na wicašta wakan obe kin en unpi, Wahošiyee taanpetupi kin hehantanhan, wicašta tona wo-wapi wakan qa tannina Wowapi kašapi kin hena tanyan yawapi kin, he tanyan sdodyapi. Wicohan kin hena ohinniyan yuonihanyan iyukeanyan yuhapi, hecon wicašta tuwedan wicohan kin dena wanji tukte kašta iye cinka econ kta awacin kte šni, tuka tnwe tokaheya kicopi, qaiyutapi, qa iwangapi, qa wicohan kin yuhe kta iyececa iyecen ohanyan, hee kta; qa nakun hena Woepe eciyatanhan wo-cekiye kin on, qa Nape akan Ewicaahnakapi kin on iyowinwicakiyapi qa opewicayapi kta.

Qa wowapi kin Yewicašipi Ohanyanpi wi-cowoyake iškape qa oehde iunpa etanhan. Hehan akenonpapi kin waonspewicakiyapi kin owasin wicakicopi qa hewicakiyapi Wa-kantanka oie kin unkayuštampi, qa wahna-wotapi wiyeya eunhnakapi kte cin hecetu šni. Heon hunkawanjin unniyanpi enitan-hanpi wicašta owotanna yawapi, qa Woniya Wakan wicokšape ko ojupidan wicašta šako-win owicada po, wicohan kin de yuhe wicon-kiyapi kta. Tuka unkiye qe cekiya qa wi-coie oyakapi kin en ohinniyan yeunkiciyapi kta ce. Unkan eyapi kin he oyate kin owa-sin iyokipipi. Qa Stephen, wicašta wan wa-cinyanpi Woniya Wakan ko ojndan kin, he kalunigapi, qa Philip, qa Prochorus, qa Nican-or, qa Timan, qa Parmenas, qa Nicolas Anti-och etanhan opekiyapi wan; hena wahošiyepi kin wicacokaya ewicahdepi; unkan wocekiye eyapi. hehan nape akan ewicahnakapi.

The Rev. H. H. Whipple Isanyati qa Ihank-tonwan, Wošna kaša waawanyake kin he Bishop en kahi.

The Rev. C. C. Rouillard Sissetonwan oyan-ke en wošna kaša wawokiya un kin he Litany wocekiye kin yawa.

Bishop kin wotapi wakan kin yuwakan, qa the Rev. John B. Clark Sissetonwan oyanke en Wošna Kaša Waawanyaka un kin he okiye.

The Rev. G. G. Lawrence Isanyati oyanke en Wošna kaša wawokiya un kin he wowapi kin yawa.

The Rev. Thomas Heminger Wotanin Wa-šte kin he yawa.

The Rev. C. B. Whipple Isanyati oyanke en Deacon un kin he wocekiye wocon kin on candowankiye.

The Rev. Robert Benedict Tipizizidan o-tonwe en Wošna kaša un kin, qa nakun St. Mary wayawa tipi en itancan kin, qa the Rev. Charles M. Jones, Holy Name tipi wakan en un kin, qa the Rev. D. C. Means Bde tanka otowe en wošna kaša un kin hena nakun en unpi.

The Rev Mr Heminger hecehnana St. Philip the Deacon tipi wakan en litani kta, qa he Sissetonwan oyate etanhan he on wicašta wakan kašapi kin ed titakuye, qa takodaku ota hipi.

Wocekiye wocon kin wicašta opawinge nonpa ced en hipi, qa wicašta wakan wicaka-gapi wocon kin en tohinni wicašta wakan hena keca wicota ahi šni, Convocation ed he-conpi ece kin he itokan.

St. Philip the Deacon oyate kin woyuoni-han tanka ecawicakiconpi kin pikidapi kin hdutaninpi on wicašta wakan, qa tawicupi ob, qa oyate tokantanhan ahi kin yupiya wodwi-cuyapi.

B. S. A. PROVINCIAL CHAPTER

St. Andrew Sunkakiciyapi, Provincial Chapter Niobrara Deanery en nu kin, June 26-29, 1930 heua St. Elizabeth tipi wakan Standing Rock Reserve ohna omniciye iwike-mna nom saupa şahdoğan kin he econpi.

June 26, 7:30 p. m., Htayetü wocekiye kin tipi wakan kin ohna econpi. The Rev. C. C.—Rouillard qa Rev. Iver Eagle Star econpi.

Ikiciyuskinpi woeye kin Mr. Thomas Good Voice Bull, qa Rev. K. B. Woodruff, eyapi. Woayupte kin Mr. Thomas Hunter, qa Archdeacon Ashley econpi. Iyohakab St. Andrew odowan dowanpi qa enakiyapi.

June 27, 7.00 a. m., Wote şni wotapi wakan econpi, Rev. K. B. Woodruff yuwakan qa Rev. Wallace Zephier okiye. 40 icupi.

9.30 a. m. odowan qa wocekiye kin Catechist John Red Hawk econ. Wowapi kage kin hi şni heon Itanean kin H. H. Whipple wowape kaga kta econ şı 9.45 a. m. (A) St. Andrew Sunkakiciyapi kin he taku he? Mr. Edward Flying Hawk iwohdake. (B) St. Andrew Sunkakiciyapi tawicolian kin he taku he? H. H. Whipple iwohdake. Hena wohdakapi iyohakab Itanean kin Dr. Ashley wohdake qa Chr.st tokiconze eyapi kin he tanyan abdezapi kta iyeececa keye. Odowan 164 he dowanpi.

10.30 a. m. St. Andrew Sunkakiciyapi opa wan toked wicakeya opa okihi he?

(A) Wowacinye } Rev. Dallas Shaw he
(B) Oihdake } iwohdake.

11.00 a. m. Reports ahipi kin hena yawapi qa delegates hipi kin hena caje owicawapi.

12.00 m. Wicokaya wocekiye kin he Rev. Chester Red Kettle econ.

2.30 p. m. Odowan qa wocekiye kin Catechist Patrick Shields econ, odowan 138 wowicada qa wocekiye, odowan 148 dowanpi.

3.00 p. m. St. Andrew Sunkakiciyapi opa wan ohinni yuşnaşniyan wotapi wakan ieu kta he? Rev. K. B. Woodruff he iwohdake qa ohinni heconpi kta yaşinsya oyake.

3.30. p. m. owicohan kin on Itanean kin Dr. Ashley, he Chapter iyohi etanhan delegates wohdag wicaşı qa wanjigji wohdakapi. Rev. Wallace Zephier iyaza omani cajeyate, heon Dr. Ashley wohdake qa heka waniyetu kin opta H. H. Whipple iyaza omani şı qa eced econ keya, he on H. H. Whipple wohdag şı, qa he on report wan toked iyaza omani qa mazaska tona on okiyapi, qa toked yusote kin ohdake, oicazo codan hinajin. Iyohakab Dr. Ashley omniciye yankapi kin iwicawange qa heya de Mr. Whipple Chapter eced iyaza omani waşı kin he tanyan ecamon hwo, qa hecetu yadapi hwo, eya iwicawange unkan ataya hecetu dapi. He on tosta ake waniyetu opta tuwe iyaza omani kta keye. Chapter No. 2624 wacajeyatapi wan ahipi, Chapter 2624 Wakpala en unpi kin wacajeyatapi wan ded unkaupi kta hduştanpi Rev. William Holmes wokiksuye on chapter iyohi Dakota wicašta wakan tawomnaye wan yuhe kta. He on Dr. Ashley wohdake, qa wanna heca womnaye wan Rev. Mr. Goodteacher tawokiksuye womnaye kin he yuhe, heced wokiksuye womnaye kin he tan n econpi kta keya. Reportake onge ahipi qa hena yawapi qa hehan asnikiyapi.

7:30 p. m. Htayetü wocekiye econpi Rev. C. B. Whipple qa Catechist Melvin Lodge. June 28, 7:00 a. m., wote şni Wotapi Wakan econpi, Rev. Dallas Shaw yuwakan qa Rev. T. J. Rouillard okiye. 50 icupi.

9:30 a. m. Odowan qa wocekiye kin he Rev. Iver Eagle Star econ.

10:00 a. m. Wicayusutapi en wawicawapi kin he taku he? Rev. P. C. Bruguiet iwohdake. Nakun Archdeacon Ashley iwohdake.

10:30 a. m. Christ etanhan wicaka un kin toked ohanye kta he? Rev. C. C. Rouillard he iwohdake.

11:00 a. m. Mazaska ahipi kin yawapi, Dakota wicašta wakan on \$121.81 Provincial Chapter on \$6.90. Iyazaomani on \$2.00. B. S. A. quota N. W. C. \$5.25 ataya yuwitaya \$135.96.

12.00 m. wicokaya wocekiye kin he Rev. Wallace Zephier econ.

2:30 p. m. odowan qa wocekiye kin he Archdeacon Ashley iye econ. Wakankiciyuzapi kin he taku he? Rev. Iver Eagle Star iwohdake.

3:15 p. m. St. Andrew Sunkakiciyapi kin Okodakiciye wakan ed toked iyowaja he? Rev. Wallace Zephier iwohdake.

3:45 p. m. St. Andrew icipawega tawa kin he taku he? Rev. Joseph DuBray iwohdake.

4:15 p. m. St. Andrew Sunkakiciyapi kin

he Dakota oyate toked iwaştepi he? Mr. Thomas Hunter iwohdake.

4:30 p. m. woiimagaga woşkate econpi.

7:30 p. m. odowan qa wocekiye ptecedan econpi Archdeacon Ashley iye econ. Oitanican apiwicayapi.

Ataya itanean kin, Archdeacon E. Ashley Itanean okihe, Thomas Hunter Wowapi kaga, Joseph Gassman Mazaska awanyake, Rev. Dallas Shaw

Toketa omaka kin he Lower Brule misson en Provincial Chapter omniciye he econpi kta yuştanpi. He iyohakab Dr. Ashley St. Elizabeth Chapter etanhappi nom St. Andrew Sunkakiciyapi kin ed opewicakiye. Dowanpi qa asnikiyapi.

Sunday June 29 1930.

7:00 a. m. wote şni wotapi Wakan icupi, qa 53 icupi, Archdeacon Ashley yuwakan qa Rev. K. B. Woodruff okiye.

10:30 a. m. bahanna wocekiye econpi qa tipi wakan kin owicajudan. Rev. Dallas Shaw woceon tokaheya qa wookahnige hena yawa, Patrick Shields woonspe tokaheya yawa, qa John Red Hawk. Woonspe inonpa kin yawa, qa Rev. C. C. Rouillard wicada qa wocekiye kin yawa. Dr. Ashley wowahokonkiye econ. qa taniyata wotanin waşte on toketu kin he on wowahokonkiye eye. Woyawaşte qa enakiyapi.

Tona tokantanbanhan ai kin hena nina tanyan wicakuwapi. Wiyotanhan kin hehan ataya yuwitaya wotapi wan nina waşte ehake econpi, qa woynte tona iyaye cin hena tokar-tanhan ahi kin wicawapi. Nape kiciyuzapi qa enakiyapi. Wicašta wakan akeyamni en unpi qa delegates wicota ahi he on nina omniciye waşte yuhapi. Wicašta wakan dena ed unpi. Archdeacon Ashley, Rev. Dallas Shaw, Joseph Dubray, T. J. Rouillard, K. B. woodruff, H. H. Whipple, P. C. Brngier, L. M. Ronillard, C. C. Rouillard, Iver Eagle Star, C. B. Whipple, Wallace Zephier, Chester Red Kettle.—H. H. Whipple, Secretary.

NIS TOKED IDUKCAN HE?

Okodakiciye wakan oşpaye wan en ounpapi kin he wake, toked icage kta iyeced icaga he? Niş toked heon idukean he?

Iceage şni hecinhan, niye qa miye tanyan iyopte şni hecinhan en iyounwajapi he? De woiwange tanka heca qa otioyohi ikiciwangapi waşte. Wanikiya waşte unkitawapi kin oyate niwicaye kta heon kici litaunnipi cin. Heced kici litaunnipi he? Qa iş iye işnana econ kta aihpeunyanpi kta he?

Tuwe Baptisma wakan kin en aupica he? Tuwe wicayusutapi en opeyapi pica he? Tuwe Wotapi Wakan en aupica he? Wicohan wakan kin obe otakiya yanka owasin taku econqonpi kta okan yanka.

Heced econqonpi he? Inş toked idukean he?

ROSEBUD WOTANIN.

January 24 hehan Mrs. S. H. Kimmel maka wiconi kin ayuştan. January 23, anpetu izaptan, hehan Mrs. Kimmel na cuweku Mrs. Belle Harris na cunwintku Hattie Marcus na cinhintku Scott Kimmel hena ob Buick car tawapi kin ohna Rapid City hesitkiya yapi. Wanna Philip otowwe iwiyoşpeyatanhan canku oyuksan wan en yapi, hehand iyecinka iyopte kin toketuna kaptanyaupi. Tuwena decetu kin wanwicayake şni heon toketu hee cin tanyan oyake okihipica şni. Tuka tona en iyohakam ipi kin hena decetu kecinpi. Car kin tohand kaptanye kin hehand tehand itokam pasdohan ye qa ecen ake kaowotanna inajin hektakiya etonwan hdiinajin owe tawa kin eciyatanhan na car pesdete kin etanhan owasin tankand hinhpayapi kta Mrs. Harris eceena ohan wanka, e iyewicayapi.

Mrs. Kimmel yamni şicaya kiunni tka pa kin ekta nina kiunni. Mrs. Marcus iş bu kin ekta pawega qa uşma kin iş eya kiunni tka owahececepi. Tohand iyewicayapi kin hehand Philip otowwe kin hed icicawin kobanna awicahdipi qa onşpa piwicayapi, qa hehanhan Rapid City owayazan tipi ekta awicapi.

Mrs. Kimmel taku on okiyepeca kin owasin kuwapi qeyaeş kiksuye şni wauke qa ecen hancokaya saupa hehan ta. Mrs. Marcus iş bu kin ekta şica kiunni kin heon patapi qa ecen tanyan piyapi. Tohand decetu kin owasin onahonkicayapi kin hehand Mission otowwe etanhan tonana ekta ipi, wotakuye ko en ai.

Qa tohand wanna Mrs. Kimmel ta otanin kin hehand ake wicota ekta ai qa hehand cau-ohnaka ohna Monday heban Mission en ahdipi.

Anpetu inonpa kin hehand wicahapi woceon kin econpi eya taku owasin tanyan onahonkiciya şni seececa yunksehnana kin heon. Hececa ešta nina wicota ahi qa wicahapi woceon waşte unyuhapi. He on Rev. John Clark tahananhan bihunni Sisseton otowwe kin heciyatanhan, qa Mrs. Kimmel takuwicaye ota tahananhan ahihunni qa walica heca waşteste ota en yuha hipi. Tipi wakan mahen owicakan şni ehaeş wicota kin heon, ota najinhan najinpi. Mission otowwe ikiyena wicahapi makoce kin en ehakapi.

Mrs. S. H. Kimmel he Lucy Bousier eciyapi tka Rosebud makoce en tonpi, June 7, 1865, hehan. Qartkuku qa huukupi kin hena ehanna tanhan makoce de ounyanpi hecapi. Feb. 17, 1884, hehan S. H. Kimmel kici kiciyuzawicakiyapi qa işnana etipi qa hetanhan cinca napeinyunkapi, tob şapi, nahauli şaptan ni unpi: Mrs. Hattie Marcus, Ellen Decory, Scott Kimmel, Florence Miller, qa Kenneth Kimmel. Nakun wotakuye ota enana unpi.

Mrs. Kimmel wayazaukapi qa onşikapi kin ohinni owicakiye sa kin heon kodawicaya otapi. Wayazanka awanwicayakapi waştada-ke seececa qa tuwe kicopi keş en wicai ecee qa ohinni iyuskinyan wawokiya ecee, tankapi qa cistinnapi ko owasin akiyeceen. Hehand waniyetu ota winyan omniciye itanean heca sa, qa ake de omaka kin en Trinity Chapel en ecen ta.

Ashley House Church History Course

Woonspe No. 14.

Ambrose (şı cin, 397 A. D.) Qa Chrysostom

CHD 14

Omaka 347 A.D. en Italy makoce en, Milan otowwe en Bishop un qon Auxentius eciyapi kin he, şı. Ambrose, maka itanean (governor) koşkadan kin heehan nahanhin Christian Baptisma qupi kin heca şni, tuka waonspeiciya wan heca, (Catechumen) Baptisma on ihduwiyeyapi kin he kapi. Oyate kin Tipi Wakan kin en Bishop teca wan kahnişgapi kta on mniciyapi kin icunhan woşkişka kta Ambrose kekpa, taku owasin owotanna wauke cin kin heon mniciyapi kin ekta i. Cokata najin qa wohdaka, wakanheja wanyake qonhan, "Ambrose Bishop", un kta ce eya niya. Wicotapi kin owasin wakanheja wan panniya qon ohnayan akihde eyapi, qa Ambrose Bishop un kta kahnişgapi Anpetu Wakan oko wanji icunhan Baptisma qupi, Wicayusutapi opa, qa Deacon kagapi, Woşna Kaga un kta econşipi, qa Bishop un kta yuwakanpi. Qa Bishop waşte wan heca.

Wowicada wowicake kin sutaya nakiejin. Justina, Onciyapi, qaiş Winyan itanean (Empr-ess). Okodakiciye Wakan yuşkişkapi (Arianism) ewicakiyapi kin Ambrose, Tipi Wakan tawa kin hena unpi kta kida tka, wicada şni. Tuka woohiye iyotan tanka tawa kin he Theodosius, wicaştayatapi kin ktedan kin hee.

Omaka 390 A.D. en oyate wicatoketu tanin şni on Thessalonica otowwe kin en maka itanean (governor) un qon he ktepi, qa Theodosius, canze on, otowwe en unpi qon 7000, wicaktewicashi. Woepe kicakse kin deon Ambrose, etanhan woiyopeye hiyahde, qa iyohakam tohan wicaştayatapi kin wacekiye un wacin qonhan, Ambrose, tiyopa kin ohna hinajin qa iyopei-ciye şni hehanyan Tipi Wakan kin timahen u kte cin anapta. Wi şahdoğan tokannuşi, tohan hi qonhan wokoyake waşteste tawa qon hena cokadan hi, qa omniciye kin wicetokam patuje qa woahitani ohdake. Hecen Okodakiciye Wakan qa Woowotanna kin Roma wicaştayatapi waşake cin etanhan woohiye wan nina tanka ohiyapi. De itokam omaka 100 aokpani qonhan Roma wokiconze kin Diocletian, taanpetu qonhan Okodakiciye Wakan kin şicaya kuwa tka.

CHRYSOSTOM. John Chrysostom (Wahokonwicakiya okihi hee cin on "I-Mazaskazi,"

Mission S. D.—Ito Mission el winyan omni-eiye unqonpi kin taku oiyoikišice wan unkakipapi. Ca he nayahonpi kta wacin. Oyanke iyo-hila el winyan omni-eiye unpi kin etu el wanji šna wicakeya najin yukan ece. Yukan unkiš le el winyan wan hececa unyuhapi. Yunkan ear hinhpaye na kte.

He omni-eiye tanka i sa nakun B. C. U. i sa tuwe eyaš slolyapi naceca. Mrs. Lucy Kimmel hee. Winyan kin he waniyetu wikcemna top ikiyela omni-eiye opa, na tukteni tohanyan eša heyam najin šni. Omni-eiye opa kin he wicakeya opa. Tohan taku akipa can taku tokon kte canna winyan omni-eiye el au. Na tohan wohešipi cantewašteya econ. Ohini itancan iyokihe sa na nakun mazaska awanyake sa.

Na ake itancan sa na cinca wan hokšila ebautanhanš B. C. U. opekiye. Tohinni yu-šnašni kicicajuju na ake wakagegepi wan el hee. Wanna le ehake wawecicajuju we, na wanna iyatayela glajuju kta ee, na he iyecana te. Na lehantu kin ake itancan yunkan hecel tehiya unton na unyan unkiyayapi. Canke winyan omni-eiye kin lila oiyoikišice unyuhapi, mitakuyepi. Winyan kin le taku ota okici-yakapi yukan tka eyaš wanna henala e. Tuwe wan wowaši ecakicon he ecaš ekta iyaye, Miš ecamin na on iapi lena epin kta wacin. Waniyetu ota he kici winyan omni-eiye kici owapa, na waniyetu akeyamni el waun šni wagli-hecan hecan canke lila iyomakipi šni eyaš eya hecetu kta ca iyecetu. Winyan omni-eiye na B. C. U. onšunkilapi cauke lila icanteunšicapi. Hecel winyan omni-eiye yaunpi kin unkiksuyapiye.— Julia Deloria.

TOKEN ON?

Token on ota ecamon owakibi šni he mahpiya wokiconze kin yutid ahiyupi kta on woiyoikišica wan qin kin he. Woahitani mitawa yutokan iyeye kta he on wawicakupi mitawa kin owasin cin, tohanyan wani kin behanye hein. Wowašake maqu ye, Itancan, Anpetu iyohi mun kta heon, oape iyohi u kin en econhan ayucoya mun kta heon wicašta upi qa wanyakapi kta. Taku wan nitawa mahed maun kin he. Wakantanka cinca wicaye cin iyuha Anpetu iyohi taku econwacinpi kte cin he. Mahpiya wokiconze kin kiyena au wacinpi kte cin hee. Kinhan icimana tohinni, Wakantanka tokiconze kin nina hanhiya u ce unkeyapi kte šni. — Frederick W. Neve.

NEW ZEALAND ED MAKAN CANCAN

Wiyohipeyata miniwanca tanka Pacific Ocean ekta wita wanji New Zealand eciyapi kin hen maka cancan tanwanji nakaha oyakapi, Feb. 3rd Tuesday he ehan wi hiyayedan wikcemna apa sanpa 45 minutes, he hahanna eciyatan. New Zealand North Island wita kin tukten miniwanca okahimin wan Hawkee Bay eciyapi huta ekta otonwe kin Hastings, Waipawa, Wairoa, Waipukurau qa Napier hena otonwe kin maka cancan kin etu hea. Napier otonwe kin he wita wata oihuni harbor heca, qa Napier otonwe hen wicašta unpi kin kektopawinge wikcemna nonpa sanpa iyeya hen unpi, qa otonwe kin he ocowasin se inyan tipi qa maka špan tipi un kagapi nakaš tohan maka cancan hinhdan unkan otowe kin hena tipi kin owasin se yuhuhuza qa kuya jujuwan hinhpaya, qa wicašta tona timahen unpi hena awicakahpa, maka cancan un tipi yujuju kin hena wanjikji nakun ide. Hecan otonwe kin hena wanihinciye tanka akipapi wicašta, winyan qa šiceca ko kektopawinge sanpa tapi qa kektopawinge nonpa ikiyedat kiuniwicaya. He icunhan sagdaša British oyate kieiza wita wata tawapi Diomedea qa Dnedin hena maka cancan icunhan en ikiyedat unpi, hecan hena kohanna wahowicayapi qa woyute qa wokoyake šina ko qa pejihuta wicašta qa wayazanka awanyaka ko ota ekta owicakiyapi kta awicayapi. Tiwabe ota ticodan iyayapi. Detanhan United Statea America wanjikji heci htanipi qa makoe hen unpi okinni wicontepa kinpi en opapi hecinhan owicayakapi šni, tokešta otanin kta. Heciya Wotanin wašte ayapi nakun unpi qa wocekiye un wicunksuyapi kta iyececa.

—J. C. T.

Golden mouthed, eciyapi) wicašta wanji wakan qa zonta kin heca. Antioch otonwe kin en Tipi Wakan tanka wan hen Wošna Kağa un. Otonwe en taku šica yuke cin hena nina okahinigiapi wašte ohna yatanin, qa anapte kta on uina škiciya. Tohan Wiyohiyanpata Wokiconze ekta otonwe itancan wan Constantinople eciyapi kin en Bishop un kin he te qonhan. Antioch otonwe kin ekta ahi, qa John Chrysostom, cin šni ešta, akiyahdapi. Hen Bishop un kta yuwakanpi.

John Chrysostom, itokam hen Bishop un qon he he wicašta wijica heca. Owote tankin-kinyan kaga waštedaka. Dena John anapte, woyuha tawa kin wicaqu, qa owote kin hena eekiya wayazanka tipi qeya kage.

Wicašta, wicašta itancanpi, Wicašta Wakan, qa wicaštayatapi tiwahe tawa koya tokencin-cin ihduhapi kin on John uina iynšinyeya. Winyan wokoyake nina waštešte unpi, qa tapon šakiyapi kin hena hecetu šni iwahokonwicakiye. Omni-eiye opapi wijicapi kin nape awicapazo qa woahitani tawa kin wicakiciyatatin ece. Winyan Itancan (Empress) kin ee kaes hecen okihanya.

Tautanyan wahokonwicakiye qa taku waštešte ota econ ešta otonwe kin etanhan kaha-papi. Tokaheya hecakiconpi qonhan maka cancan, qa Winyan Itancan (Empress) kokipa on itkom kušipi. Tuka ohakam ake kahapapi qa napeyapi qon ektana te. Tohan Hinhan-na qaiš Htayetut Cekiya Woecon kin unkeyapi eca wocekiye wan owa qon he chinni unkunpi ece.

St. Ambrose eciyatanhan Okodakiciye Wakan kin woohiye tanka wan ohiye. St. Chrysostom eciyatanhan oyate wokiconze tawapi kin Okodakiciye Wakan kin ohiye qa Wiyohiyanpata Okodakiciye Wakan kin omaka opawinge ota yušilitin.

WOIWANGE KIN. Niye iapi nitawa on Ambrose qa Chrysostom on wooyake kin akta oyaka wo, token otawanjipidan qa tukten ecitapapi šni kin pazo wo tapi kin iyohakam tonipi kin napin on Okodakiciye Wakan kin Wooyake tawa kin en token wayutokecapi idukean he.

Ashley House Church History Course

Woonspe No. 15. Okodakiciye Wakan Kiyušpapi kin. 431 A-D.; 451 A-D.; 1054 A-D. CHD 15

NESTORIANISM. Christ, Wakantauka qa Wicašta Ouncage napin yuha, tuka Wicašta wanjidan (One Person) kin he, wicašta qeya token uncage nom (Two Natures) yuhe cin, he iyecen wicašta nonpa (Two Persons) keya waonspekiyapi qon hena okodakiciye wan Nestorianism eciyapi kin en opapi. Christ, wicašta wanjidan kin wicašta nonpa e kage wacinpi (Nestorians) qon, Jesus tonpi qon ohakam Wakantanka Cinhintku He kici ihdukiwanjidan de ohna waonspekiyapi! Wakantanka Cinhintku kin qa Jesus wicašta kin kici wicašta kin ukaupi ešta, wicašta wanjidan iyecen okiwanjidan onyanpi heciyotan waonspekiyapi. Tuka wowicake kin en Jesus, He Wicašta wanjidan (one person) hecen onspeunki-yapi, Wakantanka Cinhintku kin wicacehpi ieu qa wicašta icaga. Omaka 431 A. D. hecan Ephesus otonwe en Okodakiciye Wakan Owancaya Omni-eiye Tanka Iei-yamni (Third General Council) yuhapi qonhan, Nestorius tawowicada kin šica yacopi. Hecan tona Nestorius tawowicada en opapi qon hena Roma woawanyake (Empire) etanhan Persia makoe ekta ihdaka ipi, qa dehan Persia makoe en Okodakiciye yuhapi kin he Nestorius tawowicada Okodakiciye (Nestorian Church) eciyapi kin hee. De iyohakam omaka opawinge nonpa (635 A. D.) qonhan Persia Okodakiciye tawapi qon etanhan China makoe kin heciya Yewicašipi (Missionaries) tokaheya kin yewicayapi, heciya dena wicohan tanka econpi. Iyohakam omaka ota hehan China oyate kin Persia makoe hetanhan Yewicašipi on hipi qon wicakahapapi, tuka tohanpi kin inyan wan akan owa ekihnakapi nahanhecin ecen yanka, dehanyan iyahdeya yawapicaya yanke. Persia Okodakiciye (Nestorian Church) tawapi kin dehanyan unma Okoda-Wakan Owancaya kin en okodakiciyapi kin etanhan icunonpa najin.

MONOPHYSITISM eyapi kin he Jesus Christ uncage wanjidan (One Nature) yuha wowicada tokeca kagapi (Heresy) kin he kapi. Tuwe de wowicada kin opa eca Christ, he Wakantanka hea tuka Wicašta hee šni he ohna waonspekiya ece. Christe ca uncage wanjidan (One Nature) yuha hecan kapi. Omaka 451 A. D. qonhan Constantinople otonwe kin ikiyedat Chalcedon otonwe en Okodakiciye Wakan Owancaya Omni-eiye Tanka Icitopa (Fourth General Council) yuhapi qon en, de woonspe wicakapi šni heca kin on šica yacopi.

Maka akan Bishop zaptan iyotan okitaninyan unpi qon hena Atewicayapi (Patriarchs) eya cajewicayatapi. Jerusalem, Antioch, Alexandria, Rome, qa Constantinople otonwe denakiye en Bishop unpi qon hena he eepi. Tuktektan Bishop kin dena iei-yumna woakinice yuhapi ece kin on qa decetu kin on wanjikji ištecapi ece. Decenya wicaškan kin icunhan Alexandria otonwe en Patriarch nu qon he Okodakiciye Wakan kin etanhan icunonpa inajin, qa Egypt makoe en Okodakiciye wan yuhapi (Coptic Church) eciyapi kin de Okodakiciye Wakan kin woškiške wan kicage. Woškiške kin dena dehan okiziyapi šni wanke.

Christ tonpi kin iyohakam omaka opawinge iciašakowin qonhan maka kin owancaya wocekiye woohoda teca wan Mohammedan eciyapi qon he iyopte. Jerusalem, Antioch, Alexandria, Carthage, Spain makoe qa Rome otonwe kin dena kaes icupi qaiš ibangyapi, maza-sage on tukten yapi qeyaš ohiya yakonpi. Tokaheya kin ekta Persia Okodakiciye yuhapi (Nestorian Church) kin, qa Egypt en Okodakiciye yuhapi (Coptic Church) kin napin tanyan wicakuwapi, tuka omaka opawinge iakeyamni (Thirteenth Century) qon itahedan Turkey oyate wohitikapi kin. Christian tona wicayuzapi kin owasin kakiš wicayapi. Qa dehantu kašta Armenian oyate kin šicaya wicakuwapi.

Woškiške wan iyotan tehiya ciqon he Okodakiciye Wakan kin ocokaya kiyušpapi qon hee. Rome otonwe kin en taku owasin oitancan he cin deon Wiyohipeyata kin, Okodakiciye Wakan woawanyake wan wašaka yucaliyapi. Okodakiciye Wakan kin owancaya, Rome otonwe en Bishop un kin he iye ataya oitancan icicage wacin. Dehan Sina Sapa Itancan (Pope) kin is eya hecan itancan u ihdawa. Wiyohiyanpatanhan Okodakiciye Wakan (Eastern Church) Bishop iyotan tanka tawa Constantinople otonwe en yanke cin, he Pope eciyapi kin anağoptan kta wicada šni. Wiyohipeyata kin Wotapi Wakan Woecon econpi kin en aguyapi kin inapohye (yeast) codan unpi ece. Wicašta Wakan kin tawicaton šni anawicaptapi; qa Nicene Wowicada kin en Woniya Wakan cajeyatapi kin en wicoie kin dena ehna-kapi: "qa Cinhintku kin" (and the Son, Filioque). Wiyohiyanpatanhan Okodakiciye Wakan (Eastern Church) kin etanhan icunopa inajin. Qa hecan Okodakiciye Wakan kin ataya cokaya okiyuhdecapi.

Okodakiciye Wakan kin tokata wicohan tankinkinyan kiciyanke cin opeya Okodakiciye Wakan kin etanhan oadetka icicagapi kin hena Christ en Tancan wanjidan wicakagapi kte cin hee.

WOIWANGE KIN

- 1 Nestorianism eyapi kin he token kapi he. Dehan tukte Okodakiciye de wowicada kin on waonspekiya he.
- 2 Chalcedon otonwe en Okodakiciye Wakan Omni-eiye Tanka kin en woonspe wicakapi šni wan šicayacopi kin he ecen oyaka wo.
- 3 Taku on woškiške tauka icaga he.
- 4 Taku hdušnapin kin dena onhanketa tokenken asniyepica idukean he.